

whare-karakia i Waipawa, i Takapau, i Porangahau. E whakaae ana tenei hui, ko nga moni ohaoha katoa o tenei tau, timata atu i te 1 o nga ra o Aperira, me tuku katoa mai ki te Tari i ia marama, i ia marama."

Whakaritea ana ma Peneti tenei take, me etahi atu take e pa ana ki te Hahi, e whakamarama ki nga tangata o Porangahau a te wa e tae ai ia ki reira.

5. Te Taima-tepara o nga karakia.

No tenei hui ka tukuna atu ki te Tari te rarangi whakahaere o nga karakia o ia pariha, me nga karakia tango hapa o tena wahi o tena wahi.

6. Kai-tiaki moni.

I whakamarama a Peneti, kaore te motini o tera hui i whakahaeretia i te marama o te tono a Hori Tupaea, kia waiho noa iho taua take, kei pa he manaa ki waenganui i a tatou, me etahi o tatou ka wehe nei ia tatou. Kei te ngawari haere te tangata, kia ngawari hoki tatou.

7. Nga Himene Hou.

I whakaatu a Peneti kei te koha etahi himene hou, kei te whakamaoritia hoki etahi. Kei te hiahia tenei komiti kia tukuna mai e nga tangata o te Hahi, ahakoa Minita, Reimana ranei, a ratou na himene hou i kite ai, i whakamaori ai ranei. Me tuku mai ki Te Etita o Te Toa Takitini, Box 300, Hastings.

8. Te Himene me te Music.

Kaore ano he ripoata kia tae mai. I whakaritea kia tuhituhi a Peneti ki te Pihopa kia uia e ia ki nga kai-perchi te utu mo te music.

9. Karakia Whakauru ki te Hahi.

Kaore ano kia tae mai te ripoata a Atirikona Hapata Wiremu.

10. Nga Mihi.

I panuitia nga reta i tukuna e te Hekeretari me nga utu mai a Te Pihopa, a Atirikona Tiatetene, a Mrs. Pilson.

11. Reta a te Pihopa.

I whakamaoritia e te Hekeretari nga kupu a te Pihopa i ana reta e rua i tuku mai ai i Ingarangi, ara ana mihi ki nga Maori o tona Pihopatanga, me tona whakawhetai mai ki te Komiti mo nga mihi atu ki a ratou ko tona hoa, me tana whakaatu mai kua pai haere te mate o tona hoa.

12. Rehita i nga Whanautanga me nga matenga. -

I whakaatu a Peneti ko te ture Kawanatanga e whakahaau ana kia rehitatia nga tamariki katoa e whanau mai ana, kia rehitatia hoki nga tupapaku. Haunga ta te Hahi rehita, kei te marama hoki tera, engari ko te rehita a te Kawanatanga ki te Kai-rehita. Ko te ture Rehita mo nga Maori, no te tau 1913 i Kahitititia ai. Ko nga tangata e tika ana hei whakaatu i te matenga ki te Rehita, ko tetahi mema Kaunihera Maori, ko te Minita, ko tetahi tangata ranei e marama ana te whakaatu ki te Kai-rehita.

Mo nga whanautanga, ko nga tangata e tika ana hei whakaatu, ko te papa ko te whaea ranei, he tangata ranei i taua whare e noho ana, ko te Minita, ko tetahi mema Kaunihera ranei.

Me rehita nga whanautanga, me nga matenga i roto i te rua marama i muri iho i te whanautanga, i te matenga ranei